



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-225/13
Sarajevo, 10.7.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-07-2013

Organizaciona jedinica	Klasifikaciona oznaka	Redni broj	Broj priloga
02-50-6-16			26/13

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na izaslaničko pitanje koje je postavio Stjepan Krešić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-225/13
Sarajevo, 10.7.2013. godine

Stjepan Krešić, delegat u Domu naroda Parlamentarne skupštine Bosne i Hercegovine, na 26. sjednici Doma naroda održanoj 17.01.2013. godine, postavio je sljedeće pitanje:

“Kada će Vijeće ministara Bosne i Hercegovine problematizirati Ugovor o korištenju voda Buškog jezera od strane HEP-a, te zaduži nadležnu elektroprivredu (EP HZ HB d.d) za pripremu novog ugovora o korištenju voda“.

Na postavljeno pitanje, Vijeće ministara Bosne i Hercegovine na 56. sjednici održanoj 10. 07. 2013. godine, utvrdilo je sljedeći:

ODGOVOR

Ministarstvo vanjske trgovine i ekonomskih odnosa BiH je u pismenoj korespondenciji sa institucijama koje imaju nadležnosti na teritoriji na kojoj se nalazi navedeni objekat (Federalno ministarstvo poljoprivrede, vodoprivrede i šumarstva, Agencija za vodno područje Jadranskog mora u Mostaru, kanton i općine Tomislavgrad i Livno) utvrdilo da niti jedna od navedenih institucija **nema saznanja o postojanju međudržavnog ugovora o korištenju voda iz hidroakumulacije Buško blato, za proizvodnju električne energije u HE „Orlovac“ u Republici Hrvatskoj.**

Vode prikupljene na području opština Livno i Tomislavgrad, a koje se koriste za proizvodnju električne energije u HE „Orlovac“ u Republici Hrvatskoj, se koriste na osnovu sljedećih izdatih dozvola i odobrenja za rad:

- Rješenje – vodoprivredna saglasnost Republičke komisije za vodoprivredu SR Bosne i Hercegovine broj: 03-60-1/67, od 14.06.1967. godine, **za izgradnju HE „Orlovac“ od 237 MW sa zahvatom voda na horizontu Livanjskog polja i Buškog Blata, kojim se detaljno propisuju uslovi rada objekata;**
- Rješenje Sektora graditeljstva i stambeno-komunalnog-gospodarstva, Ministarstva prostornog uređenja, graditeljstva i zaštite okoliša, Hrvatske republike Herceg-Bosne, Bosna i Hercegovina ur. broj: 10-V-475-02-8/96, od 06.05.1996. godine, **kojim je dozvoljena upotreba izgrađenih objekata HE „Orlovac“, gornji horizont, na području Bosne i Hercegovine”;**

- Vodna dozvola br. UP/40-1/25-4-134/09, izdana 23.05.2011. godine, od strane Agencije za vodno područje Jadranskog mora u Mostaru.

EP HZ HB d.d Mostar nema nadležnosti za davanje prava i definisanje uslova za korištenje voda iz hidroakumulacije Buško blato. Način i uslovi davanja prava za korištenje prirodnih resursa u Bosni i Hercegovini su propisani zakonima o koncesijama. Važno je napomenuti da kroz postojeće zakonodavstvo o koncesijama nije jasno propisan način tretmana korisnika prirodnih resursa koji su pravo na izgradnju objekata i korištenje prirodnih resursa dobili prije donošenja ovog zakonodavstava, što je, između ostalih, slučaj sa korištenjem voda hidroakumulacije Buško blato za proizvodnju električne energije u HE „Orlovac“ u Republici Hrvatskoj.